

اعتصام

مابین ۲۹ سنه ۱۳۳۵

۲۹ شعبان سنه ۱۳۳۷

{ منافع عامه به نام مجموعه اسرار و غیره }

خط هایون صورتی

بالعموم : نسوینی علمیه طرفندن دول اربعه مأمورین
سیاسیه سنه ویریلان مخطرہ صورتی

احمد شیرانی

بشارت محمدیہ

طاهر المولوی

تربیتہ لبانوان تربیتہ ملیہ ناک معیاریندر

م . م فیضی

قرآن عظیم الشان و بز

ح . ط . حادی

رمضان کلیور

عمر لطیفی

محل اداره : فاتح - اعتصام

فیثانی (۵) غرض و شدرد

بشارتِ محمدیہ

ذات اقدس رسالتناہینک خاتم النبیین اولہرق دنیای تشریف ایدہجکی حقندہ ولادت سنیہ لرندن بر چوق زمانہر مقدم ویریلش مژدہ لرہ اصطلاح اہل سیردہ (بشارت) دہ نیلیر کہ یونلرک بر قسمی ؛ اہل کتاب اولمایان عربلرینندہ، بر قسمی دہ اہل کتاب اولان عربلرلہ اقوام سائرہ آرمسندہ ویریلش و اوکرہ نیلمش شیلردی .

اولاً عربلر ینندہ کی بشارت :

قوم جلیل عربک وبالخاصہ قطعہ حجازیہ سکنہ سنلک عقلی باشندہ اولانلری ؛ ایچلرندن بر نبی دیشان ظہور ایدہجکنہ عنعنوی بر معلومات ایلہ معتقد ایدیلر . نبتہ کیم اجداد بیغمبردن (الباس) و (کعب) حضراتلک بوکا دائر تبشیراتندہ بولوندیہی و جلوسنی تبریک ایچینیمہ کیدن عبدالمطلبہ (سیف بن ذی یزن) ک ینہ بو خصوصہ مژدہ ویردیکی ، بردہ (قسس بن ساعدہ) نک لطق معروفندہ . پیغمبر منتظورک زمان بہتی یا تلاشدیلرک سویلہ نیلرکی تاریحا مضبوطدر . عجبا اہل کتاب اولمایان جاہلیہ عربلری ؛ بوکا تفصیل واقف اولمشلردی . بوسؤل مقدورہ پک کسیرمہ ومدال جواب ویریلہ مرسلہدہ « قسماً یہودیلرلہ نصرانیلرک اخباراتندن » قسماًدہ حضرت اسماعیلک و قتیلہ ویردیکی معلوماندن اوکرہ نملشردی « دینہ بیلیر .

ثانیاً اقوام سائرہ نزدندہ کی بشارت :

مدینہدہ متوطن یہودیلر (اوس) و (خزرج) قبائلی افرادینہ خطاباً « یاقیندہ پیغمبر بشت اولوناجق . بزاونکا اتباع ایلہ سزہ غلبہ چالہجفرہ دیردی لرکہ سورۃ البقرہدہ کی (ولما جاءهم کتاب من عندالله مصدق لما مهمم وکانوا من قبل یستفتھون علی الذین کفروا فلما جاءهم ماعرفوا کفرو بہ ..) یعنی « وقتا کہ یہودیلرہ . یانلرنندہ کی تورانی مصدق اولہرق عند التہیدن کتاب قرآن کلدی ،

حال بوکه او یهودیلر ، اولجه قرآن کریم و نبی عظیم ایله کفار اوزه دینه فتح و نصرت طلب ایده رلردی . طاییدقلری پیغمبر کندیلرینه کلاجهده اونی انکار ایله دیلر ، ماننده کی آیت بوکا اشارتدر .

ولادت نبویه اشناخنده مکه و مدینه ده بریهودی ده تولد پیغمبریدن مذهبداشلرینی خبردار ایله مشدی .

مدینه منوره به هجرت سنیه وقوعنده احبار یهوددن (عبده بن سلام) ایله احدی اشناخنده شهید اولان (مخیراتی) نامنده کی ذاتلر ، نبوت محمدیه بی تصدیق ایتشلر وینه یهودی رؤسائندن (سلام بن مشکم) ایله (کعب بن اسد) (ابن صورایا) (حنی بن اخطب) و (ابوبکر بن اخطب) کبیرلی ، رسول الله کی مبشر اولدیفنی سویله مشلردی .

ذات اقدس پیغمبرینک شام سفرنده کوروشدیک (بهیرا) و (نسطورا) اسمنده کی پاپاسرله مکده متوطن (راهب عداس) جناب خدیجه نك هموجه زاده سی (ورقة بن نوفل) عتبه و شیبه نك کوله سی (نینوالی عداس) حبش نجاشیسی (اصحبه) روم قیصری (هراقلیرس) ، مصر حکمداری (مقوقس) و سائرده یشار متوارثه طولایسیله علیه الصلاة والسلام افندیمنك نبوتی تصدیق وصولا یکیسندن ماعداسی قبول اسلام ایله مشدی .

ینه خرسیتیانلردن و بخرانایلردن بر جهاعتده — سورۃ آل عمرانده کی (فن حاجک فیه من بعد ما جاءک من العلم قل انما انا نذع ابائنا و ابائکم و نسائنا و نسائکم و انفسنا و انفسکم) بویورلدیفنی اوزره — رسالت پناه افندیمنك (مبا هله) ، یعنی بد دعا ایدیشمهیه چیققیق نیتمده بولومشکن رئیسلی (عاقب) ک صدق نبوت محمدیه بی ادراکی اوزره دینه تشببیدن فارغ و سنوی ۳۰ زره ایله ۴۰۰۰ خلهدن عبارت جزیه اعطاسنه راضی اولمشدی .

موسوی و نصرانی بولونان شو آدملرک معلوماتی ؛ تورات ایله انجیلده کی بشائردن مقتبس ایدی . بنساء علیه یزده او بشائرك بعضیلرینی کوزدن کچیره لم :

کتاب توراتیه دن (تورات المئی) یاخود (سفر الاستخفا) ده نیلان قسمک
 ۱۸ نجی باینده حضرت موسایه خطاباً «الاهک رب ؛ ایچیکزدن ، برادریکزدن
 منزہ بم کھی بر پیغمبر ظهور ایتدیره جکدر . اونی دیکله به سکر» ده نیلادیکی
 محرردر .

یهودیلر ، بو پیغمبر مبشرک (یوشع) ، خریستیانلرده (عیسی) علیهما السلام
 اولادینی ادعا ایتشلردر ، لکن دعوالری باطلدر . چونکه : یوشع علیه السلام
 صاحب شریعت اولمادیکی کھی عیسی علیه السلام ده سیف ایله مبعوث بولونمادیقندن
 هر ایکسی ده موسی علیه السلام کبی دکلدر .

ینه تورات المئی نک ۳۲ نجی باینده شویله بر ایت وار «بنی اسرائیل ؛ بنی
 آله اولمایان شیلرله قیصقاندیردیلر و باطل معبودلرله بنی اغضاب ایدیلر .
 بن دخی آنلری قومک غیریسبله قیصقاندیریم و بر جاهل قوم ایله آنلری
 اغضاب ایدیم» .

خریستیانلر «یو آیتده کی (قوم جاهل) دن مقصد ؛ رومالیلر ، یاخود یونانیلر
 ایدی که نصرانیت اونلر آراسنده شیوع بولدی» دیرلر . حال بوکه : رومالیلر اولسون
 یونانیلر اولسون خریستیانلرک بدایتده جاهل بر قوم دکل ایدیلر . او عصرلرده
 وداها صوکرلری جاهل قالمش اولان آنحق صریبلر ایدی که بالآخره اوتوم امی ؛
 سایه محمدیده اکتساب فیض ایدرک کرک سیفاً ، کرک علماً یهود ونصارانک غضب
 وحسدنی موجب اولاجق بر درجه برترینه یوکسامشدی .

ینه تورات المئی نک ۳۳ نجی باینده «الله سینادن کلدی و بزه ساعیردن اشراق
 ایتدی و فاران طاغلرنده آشکار اولدی» ده نیلمشدر که برنجی فقره ؛ حضرت
 موسایه طور سیناده تجلی وقوعه ، ایکنجی فقره ؛ حضرت عیسانک نام جهتلرندن
 ظهورینه ، اوچنجی فقره حضرت محمد علیه السلامک حجازدن طلوعنه اشارتدو .
 چونکه (فاران) حجاز قطعه منی دیمکدر .

ینه کتاب توراتیه دن بولونان (کتاب زبور) ک ۴۵ نجی (مزموور) تدمه ،
 یهفی سورده سنده شو آیتلر مرقومدر «سن جل جهتله بنی آدمه فاققسک» .

دوداقلرك اوزرينه لطف دو كولى . بو اجلنك الله سنى الى الابد مبارك قىلدى .
يا جبار غزت وجلالكله قىلجىچى قوشان و جلالكله حقيقت و حلم وعدالت
ايچون ظفر ايله راكب اول صاغ الاك دخى سكا هيپلى شيلر كوستره جكدرك .
اوقلرك سبورى اولوب ملكك دشمنلرينك يوره كنه صابلا نديلر . اقوام ؛ السكك
آلته دوشه جكدرك ايشته بو آيتلردهكى توصيفات و خطابات تماميله عليه الصلوة
والسلام افنديمزه طئددر .

ينه كتب تورانيه دن معدود اولان (كتاب اشعيا) نك ۵۴ نجى بابنده شو
آيت واردركه (ساره) (هاجر) و (اسماعيل) عليهم السلام ايله بنى اسماعيله
اشارتدرك :

« اى طوغورمايان قاهر ترنم ايله . اى آغرى چكهمش اولان كابانك
چكوب ترنم ايله . زيرامتروكه نك اولادى ، زوجى بولونانك اولادندن زياده و لاجتدركه
ينه كتب تورانيه دن صاييلان (ميخا پيغمبرك كتابى) نده و برنجى بابك
۳ ، ۴ ، ۵ نجى آيتلرندم » ايشته رب كندى مقامندن چقيور و اينوب زمينك
يوكسك يرلى اوزرنده كزينه جكدرك و پال مومى آتشك قارشيسينده اريدىكى كى
وصول اينيشدن آفنديكى كى آلك آلتنده طاغلر ارييه چكلر و واديلر ايله جقلردر
ده نيله مشدركه ظهور اسلام ايله طرفه العين دينه بيله جك برزمانده كى انتشارى دوشو .
نوله جك اوئورسه بو آيتلرده كى (رب) ده نيلن ذات محترمك صلى الله عليه وسلم
افنديمز اولدينى شك و شبهه كوتورمن .

ينه تورانيه ميانسه ادخال ايديلن (حبقوق پيغمبرك كتابى) نده و برنجى
بابنده « قدوس ؛ قاران طاغىدن كلدى . آلك جلالى سماوانى قابلادى وزمين
آنك مجديله بملو اولدى » آيتى واردركه تورات المثنى نك اخبرسار متقدمنى تأييد
ايتكده در .

انجيلده كى بشاره كتابچه :

(متى) (لوقا) (ماركوس) (يوحنا) انجيللر يترك (.) هيسندده اول حضرت

(.) بونلر ، خريستيانلر بيننده معتبر اناجيل اربعه نك محررلردركه متى ايله يوحنا

یحیی ، مؤخر آده جناب عیساك ه توبه ایدیكنز . زیر ملكوت السموات یا قلاشمشدره
دیدکاری محرردر که بو تعبیردهده علیه الصلوة والسلام افندیغزه اشارت واردر .
واقعا خریستیانلر ؛ بونی ولادت وبعثت مسیحه حمل ایتك ایستلر . لکن ادعای
واهیدر . چونكه : ملكوت السمواتدن مقصد ،

ذات مسیح اولسهیدی مشارالیهك دنیا به كلكدن صوكرافسنى قصد ایدرك
(ملكوت السموات یا قلاشمشدر) دیمهسی طوغرو اولامازدی .

ینه یوحنا انجیلنك ۱۴ و ۱۶ نجی بابلرند حضرت عیساك جانب آلهی به
كیدهجی ، فقط یرینه بر (پاراقلیت) كلهجی یازیلیدركه بوكلهك احمد معناسنه
اولدینی مشرردر . خریستیانلر ؛ بولفظه (وکیل) (یاردنجی) (تسلی ویرنجی) کی
معنالر وروب آلدقزلندن طولانی مسلمانلری تحطئه ایدرلر واحده معناسنه كله یونانیهك
(پاراقلیتوس) دكل ، (پریقلونوس) اولدیغی سویلر لسهده ایکی لفظ آراسنده کی مقارنت
و مشابهت دوشونولدیکی و انجیلرده کی تحریفات غرضكارانه خاطره کتیرلیدیکی کی اولجه
(پریقلونوس) یازیلان بوكلهكده (پاراقلیتوس) شكله قونولش اولدینی اكلاشیلیر .
جدآ مهم اولان بشارت محمدیه بختلك بوندن زیاده تفصیله مقامك مساعدهسی
اولمادیغندن هندلی رحمة الله افندیك (ظهارالحق) ی ایله عبدالله الرجهانك (تحفة الاریب
فی الرد علی اهل صلیب) نه وبونك ترجمه سنه ؛ برده احمد مدحت افندی مرحومك
(بشارت صدق نبوت محمدیه) سیله (مدافعه) لینه مراجعت اولونماسنی بالتوصیه بخته
ختم ویرم .

طاهر المولی

حواری بوندن لوقا ایله مرقوس حواری تابعلریدر . اثرلرنك اك اسکینی اولان متی انجیلی
مروج عیساك ۸ یاخود ۱۲ سنه صوكرافیلشدر ، مرقوسك کی ۲۸ لوقاك کی ده ۳۲
یوحناك کی ده تمام ۴۵ بیل سرورنده تحریر اولونشدر .
قرآن کریم ایسه دها بیغمیر حیاتهده یازیلوب ازیرلنیش و ارتحال نبونك سنهسی
ایچنده (مصحف) حالنه کتیریلشدی .